

Neges bwysig: cyfnod clo yng Nghymru a'ch cwrs yn CAVC

Brynhawn heddiw, cyhoeddodd Prif Weinidog Cymru y bydd Cymru, o 6pm nos Wener 23ain Hydref tan ddydd Llun 9fed Tachwedd, dan gyfyngiadau symud 'mesur atal'. Mae hwn wedi'i gynllunio fel toriad byr, llym i leihau lledaeniad COVID-19.

Yn ystod y cyfyngiadau symud yma, mae'n ofynnol i chi aros gartref a dilyn canllawiau'r llywodraeth, oni bai eich bod yn gweithio mewn gwasanaethau hanfodol.

Beth mae hyn yn ei olygu i chi a'ch cwrs yn y Coleg?

Yr wythnos yma

Mae'r dysgu'n parhau yr wythnos yma ar y campws ac ar-lein yn unol â'ch amserlen arferol. Ddiwedd dydd Gwener 23^{ain} Hydref, bydd holl gampysau Coleg Caerdydd a'r Fro yn cau ar gyfer yr holl staff a'r myfyrwyr.

Dydd Llun 26^{ain} – Dydd Gwener 30^{ain} Hydref – Hanner Tymor

Bydd yr egwyl hanner tymor arfaethedig yn parhau i ddigwydd ar gyfer pob myfyriwr. Yn ystod yr wythnos yma ni fydd gwersi. Gallwch ddefnyddio gwasanaethau cefnogi CCAF o hyd, gan gynnwys y Ganolfan Llwyddiant a'r Gwasanaethau Llesiant a Myfyrwyr. Ewch i Borthol y Myfyrwyr my.cavc.ac.uk a mewngofnodi gyda'ch manylion mewngofnodi arferol ar gyfer y coleg i gael mynediad.

Dydd Llun 2^{il} Tachwedd ymlaen

O ddydd Llun 2^{il} Tachwedd ymlaen mae'r tymor yn aildechrau a'ch dysgu yn parhau ar-lein. Byddwch yn dilyn eich amserlen arferol a bydd yr holl wersi'n cael eu dysgu ar-lein ar Microsoft Teams. Bydd ein holl wasanaethau cefnogi ar gael ar-lein hefyd.

Mae disgwyl i'r cyfyngiadau symud yma ddod i ben ddydd Llun 9fed Tachwedd. Yn CCAF, byddwn yn penderfynu ar ein cynlluniau ar gyfer dydd Llun 9fed Tachwedd ymlaen yn ystod yr wythnos cyn y dyddiad yma ac yn eu cyfathrebu i chi, gan ystyried unrhyw fesurau ychwanegol fydd yn cael eu rhoi yn eu lle gan Lywodraeth Cymru. Bydd hyn yn cynnwys manylion am gampysau'n agor a chynlluniau ar gyfer dysgu ar y campws ac ar-lein. Byddwn yn rhoi'r wybodaeth ddiweddaraf i chi drwy eich athrawon a thrwy neges e-bost i'ch e-bost Myfyriwr yn CCAF. Byddwn hefyd yn rhoi negeseuon ar Ap CCAF, drwy neges destun ac ar gyfryngau cymdeithasol.

Yr wythnos hon - paratoi ar gyfer y cyfyngiadau symud

Yr wythnos hon bydd eich athrawon a'ch staff cyswllt yn mynd drwy hyn yn eich gwersi. Byddant yn eich cefnogi fel eich bod yn barod i ddysgu ar-lein yn unig am gyfnod.

Mae angen i ni wneud yn siŵr:

1. bod gennych chi ddyfais briodol i ddysgu arni a mynediad i'r rhyngrwyd
2. eich bod yn gwybod sut i fewngofnodi i Microsoft Teams i gael mynediad i'ch gwersi a chysylltu â'ch athrawon a'ch dosbarth
3. eich bod yn gallu cael mynediad i'ch E-bost Myfyriwr

4. eich bod yn gallu cael mynediad i'r Porthol Myfyrwyr – mynd i my.cavc.ac.uk a chlicio ar y faner fawr gyntaf 'Dysgu o gartref' ar gyfer cefnogaeth gyda dysgu o gartref.

Os nad ydych yn gallu dysgu ar-lein bydd eich athrawon yn rhoi pecyn dysgu i chi er mwyn i chi allu parhau i ddysgu gartref.

Os oes gennych chi unrhyw bryderon penodol am eich sefyllfa bersonol chi, cysylltwch â'ch Tiwtor Cwrs neu aelod o staff cyswllt.

Yma i gefnogi ein gilydd

Rydym yn gwybod bod dychwelyd i gyfyngiadau symud yn anodd. Byddem wrth ein bodd yn cael bod gyda'n gilydd i gyd, ond mae'n bwysig ein bod yn dilyn canllwiau'r llywodraeth ac yn cadw ein gilydd yn ddiogel.

Os ydych chi'n cael hyn yn anodd ar unrhyw adeg, cofiwch roi gwybod i ni.

Ewch i'r Porthol Myfyrwyr my.cavc.ac.uk, mewngofnodwch gyda'ch manylion arferol a chlicio ar 'Dysgu o Gartref' i gael mynediad at ein gwasanaethau cefnogi. Hefyd gallwch siarad gyda'ch athrawon.

Ddim yn siŵr gyda phwy i gysylltu neu angen cyngor gyda rhywbeth?

Gall ein fîm Gwasanaethau Myfyrwyr helpu:

Ffoniwch 02920 250250

Neu ewch i www.cavc.ac.uk a chlicio ar yr eicon sgwrs fyw i sgwrsio ar-lein.

Rydyn ni i gyd yn hyn gyda'n gilydd ac yma i'ch helpu chi i ddal ati i ddysgu. Cymerwch ofal a chadwch yn ddiogel.